



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 561 Usque Ad Annum 633

Fleury, Claude

August. Vind. [u.a.], 1759

VD18 90117832

§.24. Homiliæ S. Antiochi.

[urn:nbn:de:hbz:466:1-66072](https://nbn-resolving.org/urn:nbn:de:hbz:466:1-66072)

culari habitu Monachorum Institutum Sæculum VII
 explebat. Nam quoties negotiis se sur- A.C. 619.
 ripere poterat, ad Monasterium Agalien-
 se convolans, remota Clientum sæculi-
 que pompa, Monachorum turmis junge-
 batur, & laborantes adjuvans stipularum
 fasciculos ad clibanum deportabat. Tan-
 dem relicto Mundo sanctam Congrega-
 tionem adiit, cujus Abbas fuit, eamque
 non tantum sancte rexit, sed etiam di-
 vitiis cumulavit. Ex Monasterio jam
 annis gravis & invitus ad regendam Ec-
 clesiam Toletanam post obitum Aufarii,
 qui Adelphio successerat, evocatur. Huic
 Sedi impositus est Sisebuto Rege circa
 annum 614. & annis octodecim usque
 ad annum 632. sedit. Episcopus majora
 virtutum exempla quam Monachus de-
 dit, & imprimis Charitate in pauperes
 enituit. At scribere renuit, satius esse
 ratus, si oves sibi commissas suis operi-
 bus & exemplo informaret.

Id. c. 5.

§. XXIV.

Homiliæ S. Antiochi.

Interim in Oriente Monasteria bello Per-
 sico turbabantur. Cum anno 619. He-
 raclii decimo Ancyram Galatiæ Caput
 occupassent Persæ, unde Monasterium
 Attalinense haud procul aberat, Mona-
 chi cum Abbate suo Eustathio ex illa Re-
 gione migrare, & Sedem sæpe mutare
 coacti

Theoph. an.
10. p. 53. ep.
Antiochi
to. 10.
Auct. Bibl.
PP. p. 1021.

Sæculum VII A. C. 619. coacti sunt, ne in manus Infidelium inciderent; quia vero in his peregrinationibus multos libros circumferre non poterant, Eustathius Abbas datis ad Antiochum Lauræ S. Sabæ in Palæstina Monachum litteris petiit, ut sibi totius S. Scripturæ Compendium componeret, quod in uno Volumine portatu facili omnia ad Salutem necessaria contineret. Simul rogavit, ut rei veritatem de morte & virtutibus Monachorum ejusdem Lauræ, crudelitate Arabum ante quinquennium occisorum, sibi perscriberet. Antiochus Eustathii Abbatis precibus satisfecit, edito Doctrinæ Moralis ex S. Scriptura excerptæ Compendio, in centum triginta Capita seu Homilias divisõ, & præfixa Epistola, in qua quadraginta quatuor Monachorum Fratrum suorum Martyrium, ut supra retuli, enarrat.

Sup. n. 10.

*p. 1245. Niceph. XVIII
hist. c. 52.
Demet. Cyr.
to. 2. Auct.
Bibl. PP. p.
202. Bibl.
Orient. p.
469. Antioch.
p. 1244.*

In ultimo Capite Hæreticorum a Simone Mago usque ad suam ætatem Catalogum texit, & postremo Severianos & Jacobitas ponit. Hi nomen nacti erant a quodam Jacobo cognomento Zanzalo seu *Bardai* in Syria Monacho & Severi Discipulo, qui Hæresin Eutyichis in Mesopotamia & Armenia docuit, & exinde in Syria Melchitæ dicti sunt Catholici, qui Concilium Calcedonense recipiebant; istud vero nominis idem significat ac Regii seu Cæsarei, quia nempe

Catho-

Catholici Religionem Imperatoris tenebant. Antiochus cujusdam Athanasii Jacobitæ, Sedem Antiochenam invadere molientis, facit mentionem. In fine Operis subjungitur longa Oratio ad Deum placandum, & obtinendum auxilium, quo Christiani loca Sancta recuperarent. In Epistola ad Eustathium Abbatem Antiochus narrat, quid sibi & aliis Monachis Fratribus suis, ex quo Arabes irrupissent, acciderit, utque duobus annis in Monasterio S. Anastasii prope Jerusalem versati fuerint; tunc autem, subjungit, *S. Abbas Modestus nobis Auditor fuit, ut ad Lauram, vetus nostrum habitaculum rediremus. Non nulli momenti obtemperarunt, alii remanserunt in Monasterio S. Anastasii sub Regimine S. Abbatis Justini, qui antea multis annis in Laura commoratus, deinde ob præclara vitæ merita Presbyter ordinatus multis Monachis in illo Asceterio congregatis Statuta in Laura observari solita custodiri curabat, unde in nullo alio Palestina Monasterio Disciplinæ Regularis vigor melius conservabatur.*

§. XXV.

S. Anastasius Persa.

In illo Monasterio tunc degebat Persa juvenis Neophytus. Is Magundatus vocabatur, natus in Provincia Razechensi, filius

Sæculum VII
A. C. 619.

Sup. n. 10,

p. 1023.